

Član 27.

(Primjena drugih kaznenih odredbi)

Za prekršaje učinjene na sistemu javne rasvjete, koji nisu predviđeni ovom uredbom, primjenjivat će se kaznene odredbe predviđene Zakonom o komunalnim djelatnostima.

POGLAVLJE IX - PRELAZNE I ZAVRŠNE ODREDBE

Član 28.

(Važenje donesenih saglasnosti i zaključenih ugovora)

- (1) Sve saglasnosti i druga odobrenja, kojim se dala mogućnost korištenja sistema javne rasvjete, stavljaju se van snage donošenjem ove uredbe.
- (2) Ugovori zaključeni sa Ministarstvom za korištenje sistema javne rasvjete u neku od svrha predviđenih ovom uredbom ostaju na snazi do momenta važenja ugovora.

Član 29.

(Podnošenje zahtjeva za postavljene turističke i ostale signalizacije)

- (1) Korisnici koji imaju na sistemu javne rasvjete postavljene turističke i ostale signalizacije, dužni su u roku od 30 dana od dana stupanja na snagu ove uredbe podnijeti zahtjev Ministarstvu za odobrenje korištenja sistema javne rasvjete za određenu svrhu.
- (2) Nadležna ministarstva za oblast saobraćaja, sigurnosti i komunikacija, dužna su u roku od 30 dana od dana stupanja na snagu ove uredbe dostaviti Ministarstvu podatke o broju i lokaciji stubova javne rasvjete na kojima su postavljene saobraćajni znakovi signalizacijski znakovi i nadzorne kamere.

Član 30.

(Stupanje na snagu Uredbe)

Ova Uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-05-17436-23/16

19. maja 2016. godine
Sarajevo

Premijer
Elmedin Konaković, s. r.

Na osnovu čl. 24. stav (2) i čl. 25a. Zakona o dugu, zaduživanju i garancijama u FBiH ("Službene novine Federacije BiH", br. 86/07, 24/09 i 44/10) i čl. 26. i 28. stav (2) Zakona o Vladi Kantona Sarajevo ("Službene novine Kantona Sarajevo", br. 36/14 - Novi prečišćeni tekst i 37/14 - Ispravka), Vlada Kantona Sarajevo, na 42. sjednici održanoj 19.05.2016. godine, donijela je

ODLUKU

**O USLOVIMA I PROCEDURAMA EMISIJE
OBVEZNICA KANTONA SARAJEVO**

I

Ovom odlukom uređuju se uslovi, procedure i pravila emisije obveznica Kantona Sarajevo (u daljem tekstu: Kanton) koje se emituju radi prikupljanja sredstava za finansiranje budžetskih rashoda.

II

Obveznica Kantona je prenosivi, nematerijalizovani, dužnički, dugoročni vrijednosni papir kojeg emituje Kanton na osnovu koje vlasnici ostvaruju pravo prema Kantonu na naplatu nominalne vrijednosti glavnice i kamate u skladu sa odlukom o emisiji obveznica Kantona koju donosi Vlada Kantona Sarajevo (u daljnjem tekstu: Vlada).

Komisija za vrijednosne papire FBiH odlučuje o zahtjevu Kantona za odobrenje emisije obveznica donošenjem rješenja.

Kanton će pripremiti prospekt emisije u skladu sa čl. 32. i 33. Zakona o tržištu vrijednosnih papira ("Službene novine Federacije BiH", br. 85/08, 109/12 i 86/15).

Aktivnosti emitenta u vezi sa emisijom obveznica Kantona provodi Ministarstvo finansija Kantona Sarajevo (u daljnjem tekstu: Ministarstvo).

Ministarstvo je ovlašteno odabrati banku depozitara i agenta emisije.

Emisija obveznica Kantona vrši se posredstvom aukcijske platforme berzanskog trgovinskog sistema (u daljem tekstu: BTS) vrijednosnih papira preko Sarajevske burze/berze d.d. Sarajevo (u daljnjem tekstu: (SASE) ili na drugi način koji odredi Ministarstvo.

III

Emisija obveznica Kantona vrši se prema dinamici, obimu, uslovima i na način utvrđen odlukom o emisiji iz tačke II stav 1. ove odluke.

Obveznice Kantona su vrijednosni papiri koji se emituju u nominalnom iznosu od 1.000,00 konvertibilnih maraka (slovima: jednahljadu), osim ako se odlukom o emisiji iz tačke II stav 1. ove odluke drugačije propiše.

Emisija obveznica Kantona vrši se do iznosa koji utvrdi Vlada odlukom o emisiji iz tačke II stav 1. ove odluke, a u okviru iznosa utvrđenog na odgovarajućoj poziciji u Budžetu Kantona Sarajevo za godinu u kojoj se vrši emisija.

Ministarstvo zaključuje ugovor o obavljanju poslova sa SASE, Registrom vrijednosnih papira u Federaciji Bosne i Hercegovine (u daljnjem tekstu: RVP), bankom depozitarom i agentom emisije.

IV

Učesnici na primarnom tržištu obveznica Kantona mogu biti profesionalni posrednici-članovi SASE (u daljnjem tekstu: podnosioci ponuda).

V

Odluku iz tačke II stav 1. Ministarstvo dostavlja RVP, SASE i agentu emisije 3 (tri) dana prije upućivanja javnog poziva za učešće u emisiji/na aukciji obveznica Federacije (u daljnjem tekstu: javni poziv).

VI

Aukcija obveznica Kantona na primarnom tržištu obavlja se na način i u vrijeme određeno javnim pozivom.

Javni poziv Ministarstvo objavljuje najkasnije 7 (sedam) dana prije dana održavanja aukcije. Javni poziv sadrži detalje ponude kao što su:

- (1) planirani iznos emisije,
- (2) vrsta vrijednosnog papira,
- (3) uslovi emisije,
- (4) način određivanja prinosa,
- (5) raspored datuma plaćanja kuponske kamate,
- (6) privremeni simbol obveznice Kantona,
- (7) datum emisije i datum dospijanja,
- (8) datum i vrijeme održavanja aukcije,
- (9) datum uplate,
- (10) kupon ili način određivanja kupona,
- (11) kontakt osoba u Ministarstvu.

Javni poziv sadrži i druge informacije za koje Ministarstvo ocijeni da su neophodne za emisiju obveznica Kantona.

Javni poziv se objavljuje na internet-stranici Ministarstva, internet-stranici SASE, internet-stranici agenta emisije i u dnevnim novinama u Federaciji BiH.

Kanton je obavezan u roku od 3 (tri) dana od dana objave javnog poziva Komisiji za vrijednosne papire FBiH dostaviti dokaz da je poziv objavljen.

Ministarstvo zadržava pravo promjene planiranog iznosa emisije.

VII

Ponude za kupovinu obveznica Kantona dostavljaju se putem BTS-a kao kupovni nalozi na način i do vremena određenog u javnom pozivu.

Učesnici mogu unijeti u BTS više kupovnih naloga.

Dozvoljen je unos limitiranih naloga i limitiranih naloga sa diskrecijom.

Obavezni elementi kupovnog naloga su:

- privremeni simbol obveznice Kantona,
- količina,
- prinos iskazan sa dva decimalna mjesta,
- račun kupca i
- oznaka učesnika.

Kupovni nalozi rangiraju se u BTS automatski nakon unosa, a na osnovu kupovnog prinosa počevši od najnižeg prema najvišem, a u slučaju postojanja kupovnih naloga sa istim prinosom, BTS rangira naloge prema vremenu unošenja naloga tako da ranije uneseni nalozi imaju prednost.

Ponude koje nisu pravovremeno dostavljene neće se razmatrati na aukciji.

Ponude koje nisu u skladu sa standardima i zahtjevima Ministarstva i SASE će biti prihvaćene ili odbijene u skladu sa mišljenjem Ministarstva.

Ministarstvo i SASE nisu odgovorni za bilo kakve odgode, greške i propuste nastale prilikom dostavljanja ponuda.

Cijena se utvrđuje na osnovu sljedeće formule:

$$CIJENA = \frac{\text{isplata}}{\left(1 + \frac{\text{prinos}}{\text{ucestalost}}\right)^{(N-1) \times \frac{DSC}{E}}} + \left[\sum_{k=1}^N \frac{100 \times \frac{\text{stopa}}{\text{ucestalost}}}{\left(1 + \frac{\text{prinos}}{\text{ucestalost}}\right)^{(k-1) \times \frac{DSC}{E}}} \right] \left(100 \times \frac{\text{stopa}}{\text{ucestalost}} \times \frac{A}{E}\right)$$

DSC = broj dana od datuma poravnanja do narednog kuponskog datuma,

E = broj dana u kuponskom periodu u koji ulazi datum poravnanja,

N = broj kupona plativih između datuma poravnanja i datuma isplate,

A = broj dana od početka kuponskog perioda do datuma poravnanja.

Nakon vremena definisanog za unos kupovnih naloga, ponude za kupovinu obveznica Kantona postaju obavezujuće za podnosioca ponuda.

VIII

Ponude za prodaju obveznica Kantona kao prodajni nalog u BTS unose se na način i do vremena određenog u javnom pozivu.

Ministarstvo zadržava pravo da prihvati ponudu u cjelini, djelimično ili da odbije sve ponude za kupovinu.

Komisija za vrijednosne papire FBiH donosi Rješenje o uspjehu emisije.

IX

Upis obveznica Kantona ne može trajati kraće od 7 (sedam) dana.

Na dan održavanja aukcije obveznica Kantona u roku od 30 minuta po završetku unosa kupovnih naloga SASE putem fax-a ili e-maila dostavlja ovlaštenoj osobi Ministarstva spisak ponuda od najnižeg do najvišeg prinosa.

Ovlaštena osoba Ministarstva, za izdavanje naloga za prodaju obveznica Kantona na osnovu unesenih kupovnih naloga izdaje prodajni nalog.

SASE dostavlja RVP-u i članovima berze koji su obavili transakcije u aukciji i spisak zaključenih transakcija.

Poravnanje zaključenih transakcija vrši se najkasnije do 12:00 sati narednog radnog dana od dana aukcije, ako u javnom pozivu nije drugačije navedeno.

Kupci obveznica Kantona se obavezuju da izvrše uplatu avansa za kupovinu obveznica Kantona na namjenski račun profesionalnog posrednika prije izdavanja naloga za kupovinu. Profesionalni posrednici koji su učestvovali u aukciji u ime i za račun klijenta/kupaca obavezni su da novac klijenta namijenjen za kupovinu obveznica Kantona prenesu na depozitni račun

Ministarstva otvoren za emisiju do 12:00 sati narednog radnog dana od dana aukcije ako u javnom pozivu nije drugačije navedeno.

X

Izveštaj o rezultatima aukcije objavljuje se istog dana ne kasnije od 15:00 sati na internet-stranici Ministarstva, internet-stranici SASE i na internet-stranici agenta emisije, osim ako u pozivu nije drugačije naznačeno.

Izveštaj o rezultatima aukcije sadrži:

- datum aukcije,
- planirani iznos emisije,
- ostvareni iznos emisije,
- ukupan iznos pristiglih ponuda,
- ukupan iznos prihvaćenih ponuda,
- privremeni simbol obveznice Kantona,
- najniži prihvaćeni prinos uz najvišu obračunatu cijenu,
- najviši prihvaćeni prinos uz najnižu obračunatu cijenu,
- ponderisani prosječni prinos uz obračunatu cijenu,
- kuponska stopa i
- datum dospjeća.

XI

Profesionalni posrednici dužni su da provjere pristup i ispravnost funkcionisanja BTS-a u slučaju nemogućnosti pristupa BTS-u ili nepravilnosti u njegovom funkcionisanju dužni su bez odlaganja o tome obavijestiti SASE.

U slučaju nemogućnosti pristupa BTS ili nepravilnosti u njegovom funkcionisanju shodno se primjenjuju postupci utvrđeni Pravilima SASE.

Ako greška u djelovanju BTS nije otklonjena u predviđenom vremenu trajanja aukcije, SASE može, uz prethodnu saglasnost Ministarstva, promijeniti vremenski raspored održavanja aukcije, produžiti predviđeno vrijeme trajanja aukcije ili odrediti drugi datum za njeno izvođenje.

O promjenama vremenskog rasporeda održavanja aukcije iz stava 3. ove tačke SASE informiše profesionalne posrednike pomoću radnih stanica, telefonom ili telefaksom, uz javnu objavu na svojoj internet-stranici.

XII

Ministarstvo može da objavi javni poziv za prijevremni otkup obveznica Kantona, ukoliko je takva mogućnost predviđena odlukom o emisiji.

Javni poziv za prijevremeni otkup obveznica Kantona objavljuje se u dnevnim novinama, na internet-stranici Ministarstva i internet-stranici SASE, 5 (pet) radnih dana prije otkupa.

Javni poziv iz stava 1. ove tačke sadrži:

- oznaku obveznica Kantona,
- datum otkupa,
- iznos emisije koji se otkupljuje,
- cijenu otkupa i prinos,
- ostale elemente iz odluke o emisiji iz stava 1. ove tačke.

XIII

SASE i profesionalni posrednici osiguravaju anonimnost ponuda za kupovinu obveznica Kantona.

XIV

Na pitanja aukcije, poravnanja i registracije obveznica Kantona koja nisu uređena ovom odlukom primjenjuju se propisi kojima se uređuje tržište vrijednosnih papira.

XV

Ova Odluka stupa na snagu narednog dana od dana objave u "Službenim novinama Kantona Sarajevo".

Broj 02-05-17436-24/16
19. maja 2016. godine
Sarajevo

Premijer
Elmedin Konaković, s. r.